

Aufgeb'm tuat ma an Briaf

*Es kummt wohl für jed'n – einmal so a Zeit
Wo einfach nix glatt geht – und di nix mehr g'freut
Z'erst strampelst und denkst dir – des kann's ja net sei
Machst halt einmal Pause – und steigst wieder ei*

***Aber's geht net, aber's geht net – es hat ja kein' Sinn
Da kannst di am Kopf stell'n – jetzt streikt die Maschin'***

*Da fahrst auf der Autobahn – und bist no guat drauf
Und dann drängen s' und blinken s' – und fahr'n dir fast auf
Bis's vorn wo an Crash gibt – und die Geg'nfahrbahn gafft
Und dei Tank ist bald leer und – im Handy kein' Saft*

***Warum geht nix, warum geht nix – was is da vorn g'schehgn
Du hast seit aner Stund' – ka Bewegung mehr g'sehgn***

*Du baust an dein' Häusl – am Samstag in Ruah
Da geht der Zement aus – und der Baumarkt hat zua
Jetzt denkst dir, beim Nachbarn – da burgst dir an aus
Aber der ist beim Heurig'n – und es ist niemand z'haus*

***Jetzt geht nix mehr, und du hast – an hilflos'n Zurn
Du kannst nimmer weiter – und der Tag ist verdurb'm***

*Es geht wohl bei jed'n – amal etwas schief
Damit dir was einfallt – denk alternativ
Oder drah die G'schicht um – weil des warat ja g'lacht
Und von dera Seit'n – hast es eh noch nie g'macht*

***Und auf einmal geht alles – du bist wieder guat drauf
Wia die Großmuatter g'sagt hat – nur an Briaf gibt ma auf
Wia die Großmuatter g'sagt hat – nur an Briaf gibt ma auf***

Robert Müller

Dieser Text ist auch als [Song](#) zu hören, vertont und gesungen

von Jimmy Schlager.

www.verdichtet.at | Kategorie: [unerHÖRT!](#) | Inventarnummer:
19110